

۱ اغتوس ۱۳۳۳

تاریخ عثمانی انجمنی

سکزیجی تہ
نومرو ۱۵

مجموعہ سی

خوارز مشاهاندن : جلال الدين منكبرتي

(کچن نسخدن مابعد)

۳۰ - جلال الدينک نيسابوره کلوب غزنيه

طوغری کتیه سی

جلال الدين نيسابوره کلدیکنده جهاد نيته اطرافده کی امرايه حاضر لاملاری وکندی يانته جمع اوللاری ایچون مکتوبلر کوندردی بودعوته امرا طرفلردن کمال ممنونته اجابت اولوندی .

اختیارالدين زنگی بن محمد بن حمزه نك نسايه عودت ايله دیکنی وملك موروتنی الیه ایندیکنی یوقاروده ذکر ایتشایدک . سلطان محمد خوارز مشاهک وقاتی محقق بیلدیکی حالده یته استقلاله جسات ایدمه دی و امرنامه لری تانار استیلاسندن اولکی حالده ابقا ایندی تا جلالالدينده مأموریتده ابقانی وخدمتی سبق ایندیکی حالده مکافات اولنه جفتی مین نامه کلنجه یه قدر بو حالده دوام ایندی . بونامه دن سوکره اختیارالدين کندینه خاص علامت لری استعماله باشلادی .

جلالالدين نيسابورده برآی قالدی . بومدت ایچنده اطرافه مکتوبلر کوندروب جهاده حاضر لاملارینی، طوپلار لارینی بیلدیریر ایدی . تانارلر بوتدار کاتی خیر آلدیلر . مشارالیهک مقصدینک حصوله مانع اولماغه باشلادیلر . جلالالدين هان نيسابوردن خوارزمیلردن کندینه التحاق ایدنلره برابر چيقه رق کرمان صاحی مؤید الملکک زوزنده بنا ایلدیکی قاهره قلعه نیعمه سنه کندی و بوراده تحصن ایتک ایسته دی . قلعه نك محافظه سنده بولونان مؤید الملکک دامادی عین الملك جلالالدينه تانارلر کندینی تضیقده صرف مقدرت ایده جکندن بو قلعه یه تحصنی موافق

اولامایہ جنفی و پادشاہلرک قلمہ سی حیوانلرینک صیرتلی اولدیغنی مشعر
 خبر کوندردی . بونک اوزرینہ جلال الدین حصارک خزینہ لرندن
 برمقدار آتون جلب ایله خواصنه بخش ایله دی . درحال « بست »
 طوغری یوللاندى . جنکز خانک کلی عسکرله طالقانده بولوندیغنی
 خبر آلدی . اوکی آرقه سی دشمنله محاط اولدیغنی آکلادی . تهلکلی
 اولماقله برابر غزنه یه طوغری کتدی . سلطان محمدک دایسی اوغلی
 اولان مرآة والیسی امین الملک مرآی بوشالده رق تاناردن اوزاق بولونماق
 ایچون سیستانه کیتدیکنی وبورانک فتحنه مقتدر اولامایه رق مهمانی
 مکمل اون بیک قدر جسور کزیده ترک سوارسیله برابر عودت ایتمکده
 اولدیغنی قاهره دن بسته متوجه اولدیغنی کونلردن ایکنجی ویا اوچنجی
 کون جلال الدین خبر آلدی . هان یانه کله سنی بیلدیردی . امین الملک
 دعوته اجابته جلال الدین ایله برلشدی . قندهار قلمه سنی محاصره ایدن
 تانارلی باصدیلر انلری قنا حالده بوزدیله . ایچلردن یالکز بر قاج
 کشی قورتولابیلدیله . انلرده کیدوب کیفیتی جنکزه خبر ویردیله .
 جلال الدین مظفر آغزنه یه داخل اولدی .

جلال الدینک خوارزمدن غزنه یه قدر اولان ایکی آیلق یولی پک
 آرزمانده قطع ایتمدیکی مسرودات واقعه دن مستبان اولور .

۳۱ - بدرالدین اینانچک بخارادن قورتولوب شعب

سلمانده وفاتنه قدر خراسان و سائر محللرده

باشندن کچن وقعه لر و حاللرک ذکر

بدرالدین اینانچ خان سلطان محمد خوارزمشاهک ال بیوک بکلرندن
 ومقربلرندن بری ایدی . یوقاروده سویله دیکمز وجهله سلطان
 محمد مشارالیهی بخارامدافعه سنه برافش ایدی . تانارلر بخارای استیلا

ایتدیکنن صوکره بخارادن فرارایله ازبر عسکرایله نسیایه متصل چوله
 گلش ایدی . امازاد و ذخیره سی یوق ایدی . نسا صاحبی اختیارالدین
 زنگی ، بدرالدینک قورقوسندن چولده قالدیغنی خبر آنجه نزد بادشاهیده
 کندینه مداری اولور امیدایله آنی دعوت ایتدی . بدرالدین دعوته اجابت
 ایله نسیایه کلدی . نسا مضافاتندن نشجوان رئیس ابوالفتح تانارلاره
 مخبرده بولونیور ایدی . اینانج خانک نسیایه کلوب نسا صاحبی ایله
 اتفاق ایتدیکنی تانارلره بیلدیریدی . تانارلر اینانج خانی نسادن طرد
 ایچون عسکر سوق ایتدیلر . بو عسکره ابوالفتح قلاغوزلرده ویردی نسیایه
 کلدیلر . حرب باشلادی . اینانج خان فوق‌العاده شجاعت کوستردی . نهایت
 تانارلر مغلوب اولدی . بدرالدین تانار فراریلی تشجوانه قدر تعقیب ایله دی .
 بالذات بو محاربه ده بولوندم . اینانج خانک فوق‌العاده جسارتی کوردم .
 نشجوان حصار ی ده ضبط اولونه رق ابوالفتح لایق اولدیغنی جزایی
 کوردی . مرقوم بو وجهله ایکی دنیا سنی برباد ایتدی .

صوکره اینانج خان اییورد طرفه کیتدی . ویرکوسنی منازعه سز
 طویلادی . بوراده سلطان امرای عسکر یه سندن برچوغنی معینه کلدیلر .
 عسکری واتباعی چوغالمش اولدیغنی حالده نسیایه عودت ایتدی . اتی یوز
 اون سگرسنه سنه مخصوص نسا خراجی آلوب معینه کلن عسا کر سلطانیه یه
 طاغیتدی . نسادن نیسابور ملحقاتندن سبزواره یونلدی . سبزواره
 ایلچی پهلوان تغلب ایتمش ایدی . طرفین اره سنده شهر جوارنده وقوعه
 کلن معرکه ده ایلچی پهلوان بوزلدی .

اینانج خانک حکمی خراسان ایلرینک ایچلرینه یابلدی . قوت و قدرتی
 آرتدی .

آنحقی برمدت صوکره سوء تدبیر یوزندن بر فلاکت رونما اولدی :
 شویله که مرو خرابه لر نده تغلب ایدن کوچ تکین پهلوان جیحونی کچرک بخارایه
 کیتدی اوراده بولونان تانار محافظلرینی اولدوروب یکیدن قته جانلاندردی .

تاتارلر اون بیک سواری سوق ایدوب کوچ تکینی بوزدیبلر. بو ذات قاچه‌رق اوزمان یکنقوبن ایلچی پهلوان اداره‌سنده بولونان سبزواره کلدی. ایکسی بالمشاوره سبزواری بعدالتخلیه جرجانه اینمکه و جرجان خارجنده مقیم بولونان اینانچ خانه التحاق ایتمکه قرار و یروب بویله‌جه یابدیلر. تاتارلر بونلرک آرقه‌سندن کلکده ایدیلر. نهایت جرجان ایله استراباد ارسنده کائن واسع براووه اولان الحلقه‌ده اینانچ خان بولدیلر. بونلرک کله‌لرندن ایکی کون سوکرده تاتارلر یتیشدیلر. ایکی طرف آره‌سنده حرب باشلادی. ترکلر مغلوب اولدی. اینانچ خان ری [۱] شهرینه صیغندی. اوسیره‌ده سلطان محمد خوارزمشاهک اوغلرندن غیاث‌الدین پیرشاه ری‌ده بولونیور ایدی. غیاث‌الدین اینانچی حسن قبول ایتدی ووالده‌سنی تزوجه طالب اولدینی هنکامه قدرده اعزاز واکرام ایتدی. اینانچ خان بو حرکت خجالتکارانه‌سی اوزرینه چوق یشایه‌مادی. برقاچ کون سوکره خت‌لانیدی. علی روایه پیرشاه طرفندن زهرلادی. فارس بلادندن شعب سلمان‌ده دفن اولوندی.

جرجان محاربه‌سی ۶۱۹ سنه‌سده اولش ایدی. بن‌ده بو حرب‌ده بولوندم. الجای حرب ایله اصفهید (سپید) عمادالدوله نصره‌الدین محمد بن کبود خامه [۲] نک یانه کیتدم. مشار ایله هایون قلمه‌سنده ایدی. بکا اکرام ایتدی. برقاچ کون بکله‌دم. بوللرده امنیت حاصل اولونجه بنی قلمه‌مه کوندردی. (مابعدی وار)

احمد نومیید یوسف ضیا

[۱] ری برآره‌لق «معدیه» تسمیه لولوندی. ایوم خرابه‌لری طهران بلده‌سی یاننده‌در.

[۲] نسخه‌ اصلیه‌ده یعنی یازمه نخه‌سنده خامه نقطه‌سز یازلش. بناء‌علیه جامعه‌ده اوقونیه‌بی‌لور.